

Poziv za dodjelu kompostera za recikliranje kućnog biootpada

U skladu sa projektom “Efikasan sistem upravljanja otpadom u Kantonu Sarajevo”, organizacija People in Need PIN BiH u partnerstvu sa KJKP RAD i opštinama Kantona Sarajevo, raspisuje Poziv za dodjelu 996 kompostera građanima sa prebivalištem u Kantonu Sarajevo.

Komposter su proizvedeni od polietilena, a pogodni su za kompostiranje organskog otpada iz domaćinstva i vrta. Jednostavno se montiraju, nemaju dno (radi kontakta sa zemljištem), zapremine 700l.

Cilj Poziva je osiguranje potrebne opreme te poticanje kućnog kompostiranja na području Kantona Sarajevo, s ciljem smanjenja količine proizvedenog komunalnog otpada.

Pravo na dodjelu besplatnih kompostera za kućno kompostiranje temeljem ovog Poziva ima fizička osoba koja podnese zahtjev a zadovoljava slijedeće uslove:

- a) Ima prebivalište na području Kantona Sarajevo,
- b) Obveznik je plaćanja odvoza komunalnog otpada za stambeni prostor na adresi prebivališta,
- c) Nema neizmirenih dospelih obaveza prema KJKP “RAD”,
- d) Raspoložuje okućnicom za smještaj kompostera na adresi prebivališta,
- e) Ima registrovan plastenik/staklenik ili redovno obrađuje površinu preko 50m²

Ispunjenje uslova a), b), c) provjerava KJKP RAD uvidom u registar.

Ispunjenje uslova d) i e) se dokazuje **ovjerenom izjavom podnosioca zatjeva** te provjerom People in Need uvidom u registar kod Opštine.

Jedna fizička osoba može podnijeti samo jedan zahtjev temeljem ovog Poziva te ima pravo na dodjelu jednog kompostera po domaćinstvu.

Zahtjev se može podnijeti na dva načina:

- a) na adresu: “People in Need”, Derviša Numića 2, Sarajevo 71000 BiH, sa natpisom „Zahtjev za dodjelu kompostera“
- b) Putem e-pošte, na benjamin.kulo@peopleinneed.net sa naslovom „Zahtjev za dodjelu kompostera“

Rok za dostavu zahtjeva započinje objavom javnog poziva i završava 30.12.2022 ili podjelom svih raspoloživih kompostera (996 komada) o čemu se objavljuje obavijest o zatvaranju Poziva na službenoj stranici KJKP RAD i opštinskim oglasnim pločama.

Komposter se dodjeljuju korisnicima koji ispunjavaju opšte uslove Poziva prema redoslijedu primanja zahtjeva (vrijeme podnošenja zahtjeva) do 30.12.2022. Od raspoloživih kompostera, 20% će se dodijeliti fizičkim licima koja redovno obrađuju površinu preko 50m² a nemaju plastenik; a 80% će se dodijeliti fizičkim licima koja imaju registrovan plastenik.

O mjestu i vremenu preuzimanja kompostera korisnici će biti naknadno obavješteni.

Prije preuzimanja kompostera korisnik je dužan potpisati izjavu o preuzimanju kompostera.

Korisnici kojima se odobri dodjela kompostera dužni su koristiti komposter u svrhu provođenja kućnog kompostiranja, komposter osigurati od krađe na način da ga postave na neizloženo mjesto, koristiti komposter u krugu objekta za koji se plaća odvoz komunalnog otpada i na čijoj adresi ima prijavljeno prebivalište te pristati na povremenu kontrolu načina korištenja i održavanja kompostera.

Prilog 1. Zahtjev